

永樂大典

卷八千九十一

永樂大典卷之八十九十一

十九庚

城

南昌府城

南昌府圖經志本府舊城漢灌嬰所築周十里八十四步闕六門城外浚壕儲水晉大康中太守范甯又開二門合為八門唐初修築西南隅元和中太守韋丹修築東北隅增廣周二十一里餘闕門十六宋興城制如舊其門之名曰蓮道俗稱宮步曰惠民俗稱寺步曰廣潤俗稱橋步曰德遂俗稱井步曰章江古稱昌門曰惠濟俗稱倉步曰利涉俗稱觀步曰洪喬俗稱大市曰廣恩曰北郭十門皆瀕江曰望雲俗稱新城曰崇和俗稱壇頭曰延慶俗稱琉璃曰望仙俗稱撫州曰故豐曰廣豐六門皆平陸紹興六年故相李綱來帥以城北巖壘江沙遂橫截東北隅入三里其廣恩北郭故豐廣豐西門廢止存十二門元因其俗稱

永樂大典卷八十九十一

國朝以城址逼江迺相地利改築堅固崇廣如式周以深壕壕上植柳其宮步井步倉步觀步大市五門今革其撫州門改曰進賢寺步門改曰惠民橋步門改曰廣潤新城門改曰德勝壇頭門改曰永和琉璃門改曰順化章江門仍舊名門上各起層樓沿城刻蓋戰樓粉飾壁壘完備屹然江右大藩矣豫章志雷次宗豫章記云郡城漢灌嬰所築有六門南二門一曰南門一曰松陽門西二門一曰阜門一曰昌門是孫伯符遣虞仲翔來與華府君相語處東北各一門以東北為名晉太康中太守范甯更開東之北為東北門以對阜門又開北之西為西北門以對松陽門合八門也豫章續志按南昌古圖經府城東北角久壞元和四年太守韋丹修築仍置敵樓於其上其東門樓久亦頽毀又改建東南敵樓正元十四年觀察李巽闢而新之號避暑樓遇夏宴休于此其廣豐北郭永泰故豐四門皆廢傅綰詩云故豐門近于真家樓上高吟冰齒才似馬來思杜牧知為龍士德張華潘運故道穿城角沙漲平川壓水涯江外西山衝落日幾重蒼草觀餘瓦蓮道門俗曰宮安有紫極宮在門內惠民門俗曰寺步以門對龍興寺也或曰蓮米惠民舍自此入善墓紹興二十年周仲張澄復開廣潤門俗曰橋步亦曰榮步德遂門傳曰井步亦有太古井章江門古曰昌門據東道處臨與華散交語即此地也舊圖經云滕王閣在西古昌門北下臨章江有渡口曰宗華自是走高安徐師川嘗有章江悅望詩云水面

無波十里鏡。日斜則影一溪紅。漁舟不動鳥飛急。淡淡碧煙橫木風。惠濟門。俗曰倉步。以對大市。利涉門。俗曰觀步。以近宗華觀。洪喬門。俗曰大市。古圖經謂近洪崖先主藥市。故名。或曰非也。門外有石頭渡。正謂殷洪喬投書處。望雲門。北望神宗。故曰望雲。舊有此門。李紳周穆築於此。俗曰新城門。崇和門。俗曰壇頭門。有黃紫庭壇井。號東壇。延慶門。俗曰珠橋。昔人有耕於東湖側。獲珠瑤佛像。謂立寺以奉之。今延慶寺是也。故曰望仙門。俗曰徽州門。蓋自走臨川也。古今志云。徐理子墓。在今直南門外。南昌尉解之側。南門。即望仙門。無有望仙鄉。故以名。子城。亦詳見職方乘。唐裴拱間。都督李景嘉復脩。高一丈八尺。周二里二百四十步。中為大街。直達于東西二門。俗呼東西華門。蓋猶晉李氏之舊稱也。其南則府之所治。僅居其半。其北今之親兵營與倅條等廡也。南碑有樓。而門故塞不啓。涂廩古今志云。今之子城門闕。是觀察使李吳所建。南昌古圖誌云。舊上東西門。李吳故為雙門。創樓置鼓。自為。又吳興記云。豫章土闕高則長沙虎食人。今豫章于城門亦不開。嘗一開之虎輒入城。後屢開復塞者數矣。宋朝以來。東西二門。淳化五年。知州陳象輿所作。熙寧二年。太守元積中所修。建炎已酉。盡火於兵。紹興中。三樓相繼興起。然竟置鼓角刻漏於西門。而

永樂大典卷八十九

二

南門則直廢而不甃。殆猶承前之虎異也。以理推之。似或不然。長沙多虎。何預豫章利害。而輒為之塞門。豈理也哉。蓋門直設廳之前。樓峙南堞之上。面納章貢二水。旁絕筠撫諸河。洶湧浩濊。悉匯于樓下。而北注之彭蠡。西山之山。東湖之湖。間見層出。環擁競秀。實形勢之勝也。意者不敢直啓以當之。此所以廢而不甃歟。西門樓。榜以鎮南軍。趙鼎紳立。上有鼓角。及刻漏制作甚精。按杜牧作池州刻漏記。其略云。牧太和三年。佐吏部郎中。傳師江西府。數日。公與賓吏環城。見銅壺銀箭。律如古法。曰建中時。嗣曹王奉命。處士王易簡為之也。處士精大演數。與雜機巧。識地有泉。鑿必涌起。韓文公嘗與之遊。以此知豫章銅漏之法。有所自矣。東門樓。榜以隆興。都督之府。鄭作紳立。樓本元積中所作。曾舍人華有記。南昌樓。俗在南樓。左望大江。下臨蘭闕。墮汀急流。綠林在日。真一郡勝景。漆廩古今志。今之子城門闕。是觀察使李吳所建。儀門是觀察使楊憑所修。第二重城。是乾道中。江西賊徐唐苦寨基。水羅城。是鍾今公景福二年所築。郡城東南有雙門。吳五鳳二年。太守淮陽張俊子彥所造。二闕相去十二丈。圖經云。豫章城久荒廢。自唐初。修築西南隅四分之一。即今之州治也。凡八門。其額皆會稽公徐浩書。集異記。洪州城自馬後置立。後不復修葺。相傳云。修者必

死。唐永泰中。都督張鎬修之不疑。於城西北隅過一大坎。中有二蛇。頭類牛。形如巨甕。長六十餘丈。小蛇不可勝數。鎬命以竹篾牽之。隨牽而出。入徐孺亭下放生池中。水深數丈。龜魚皆走出水死。後七日鎬薨。判官鄭從南昌令馬皎相繼而卒。宋會要。政和七年六月十五日。詔洪州在江南為一都會。訪聞外城門。啓閉無時。深慮鍵閉不嚴。透漏私商姦細。浸久生患。仰本州常切指揮。兵官遇夜分詣。逐門檢視。封鎖飛中。間遣曹掾官覆視。稍有違慢守門人等。並行決配。當職官銜替。蔡九峯。景南昌城。魏城十八里。雄壯稱洪都。北郭勢遠。南浦形繁。紆連亘控。西注囊括。盡東湖。淮侯遺故址。李相規舊模。改築龍沙堤。三方第如初。得非彫殘後。民力不足。歟。得非府庫竭。費用不給歟。當特廟堂上。不主公議歟。我來客城。聞感築成。歎吁。今古如一轍。有才能遠圖。趙普淳熙。蔡隆興。城外作風。動雲昏月。槽鳴鷓。避船。秋清生既夕。客意怯幽眠。滯爾江行駛。病余人事牽。府公仍仲舉。白屋定誰賢。呂南公灌園集。豫章城。西山東下古池隈。增飾依佈。問晚唐。平世但嚴民。莞鑰亂時。曾是賊金湯。春歸舊蝶多芳草。鳥聚荒陬。正夕陽也。欲登臨。賦風物。肖憐才筆。厭憂傷。翁卷詩。春日登南昌城。獨立高城四望低。望中無物不堪題。欲知春事幾深淺。芳草青青猶未齊。

永樂大典卷八十九

三

元伍良臣中流集。洪城有感。亦慨先登鼓角哀。塞空兵氣駭塵埃。臂鷹壯士來駝去。逐兔少年騎虎來。山壘西風連草樹。薇垣夜雨長莓苔。最憐相國高昌老。零落臨川骨已灰。孺子亭阜湖湧波。重種城關樹駢羅。當時霸業人何在。千古高風道不磨。畫閣虛無秋宴少。戍樓依約夕陽多。間情盡付東流水。獨立蒼茫聞棹歌。史南唐李煜日建都。徒都洪州。一日重種。滕王閣已廢。城上用蓮葉作戍樓。

都尉故城

豫章續志。都尉故城。在南昌縣南三里。北連郡城。隋大業二年置。三年廢。

劉繇城

豫章志。劉繇城。在南昌縣東北三十五里。吳志云。繇為揚州刺史。畏袁術不敢之州。乃治曲阿。興平元年。為孫策所攻。繇奔丹徒。遂泝江南。保豫章。駐彭澤。笮融先至豫章。故太守朱皓入居郡中。繇招合屬縣。攻破融。融敗走入山。為民所殺。繇尋病死。於郡北城。蓋當時所築。城壘甚堅。至今猶存。號為劉繇城。

余城

志。余城。涂廩志云。在建昌縣南湖井村。余李項字希託。梁時侯景別將于慶入豫章。進攻新吳。孝項起義兵拒之。因築此城。後為大尉王僧辨所據。官至陳蔡二州牧。方輿記云。在新吳縣西十五里。周回三里餘。

椒丘城

豫章志。椒丘城。在郡北下流一百四十里。鄒元云。賴

# 永樂大典

卷八〇九一

水又經椒丘城下。建安中。孫策所築。豫章記云。劉勳建安四年。為孫策所破。於海陽欲謀取豫章。太守華歆築此城。江表傳云。孫策在椒丘。遣虞翻說華歆。即孫奮城。豫章志。孫奮城在郡東北二里。奮為齊王都武其地也。

## 孫奮城

豫章志。孫奮城在郡東北二里。奮為齊王都武其地也。

居於此。鄒元云。賴水東北。選王步。步側有城。云是孫奮為齊王鎮此。此城之渚。今謂之王步。蓋齊王之渚步也。郡之東南二十餘里。又有一城。號曰齊城。二城築道相通。蓋其離宮也。

## 齊城

太平寰宇記。齊城在洪州東陸路二十里。又按輿地志云。吳大帝太元二年。立孫奮以為

齊王都武昌。豫章志云。孫奮孫權第五子也。

## 昌邑城

輿地紀勝。昌邑城在洪州北一百三十里。雷次宗豫章記云。昌邑王

賀封海昏侯。就園築城於此。今舟楫經從。建昌界上。有所謂昌邑山。

## 豐城縣城

豐水志。子城。周回一里二百步。高二

丈。闊一丈二尺。濠闊五丈。深一丈。環郭六門。東正信。西折桂。南劔池。天寶北通江。望仙。縣在章水之東。羅阜前峙。長江後映。洲渚橫陳。水流縈帶。城外池濠環繞。俗號腰帶水。後人欲便往來。縣之西北。湮池為路。風水為之隔絕。淳祐乙巳。劉宰四月。米陰陽家之說。鑿路通濠。架橋其上。始復舊制。

永樂大典卷八〇九一

四

豫章續志。城有二門。南門揭縣額。北門榜曰登要。

## 黃金城

豫章續志。黃金城。富城。縣故基也。在縣西二十里。長豐鄉。今遺

址具存。本漢建安中置。

## 始豐城

豫章續志。始豐城。基在豐城縣南七十里。

## 吳城

豫章志。吳城在豐城縣西

南三十里。云孫鍾種瓜之地。鍾。即孫權祖也。

## 黃牛城

豫章續志。黃牛城。在進賢縣南五里。父老相傳。以為黃帝戰蚩尤時

駐於此。舊於其地中得箭鏃。今故基尚存。

## 奉新縣城

豫章續志。奉新縣。有古城。隋張文憲所築也。又有今城。唐劉正

一所築也。按隋大業十年。詔天下州縣皆築城。縣有漢所築舊城。險不可守。縣令張文憲乃脩城。居焉。今地名故縣是已。在今縣西三十里。城之規畫。髻髻猶存焉。唐神龍三年。縣丞高良致。又以阻險。民不安居。議遷縣于馮水之北。長慶三年。縣令劉正一。率邑人修城以居。其高闊不滿尋丈。其

東有溝。其西有溪。南北二門。抵鎮邊營。城周五里五十步。東西三里五十步。南北二里。

## 太史城

太平寰宇記。太史城。在奉

新縣西四十里。後漢末。太史慈創置。周迴三里。西南有城角山。東南有盤山。北枕江水。其地險固。其址尚存。豫章志。太史慈城。涂廩云。在建昌縣西

三里。漢末建安八年。荊州刺史劉表從子磐。數寇艾。西安諸縣。孫策經長江津。分海昏等六縣。以太史慈為建昌都尉。築此城。并督諸將以拒磐。孫權統事。以慈能制磐。委以南方之事。後卒於海昏。方輿記云。在新蔡縣西四十里。周回三里。基址尚存。 **越王山城**

元一統志。越王山城。在奉新縣西五十里。按陳寅真常觀記載。道士鄒大蛟。語以馬春秋。越王勾踐伐楚。屯兵于此。城堞猶存。又有齊雲峯。鳳凰池。枇杷峯。越越場。青草塘。點軍坪。龍鬚洞。雷公塘。走馬峯。英游石。像臺石。 **分寧縣城** 豫章志。分寧縣城。周回四百八十步。

**古艾城** 太平寰宇記。古艾城。後漢劉陵。豫章艾縣人。是北地。陵乘主。并車不正立。雖早欲寢。不當上為天地靈所鑒。下為萬姓所觀。耶。上有愧色。曰。敬受侍中之言。人為立祠。元一統志。古艾城。在分寧縣西一百里。查田市之下龍岡坪。春秋魯哀公二十年。吳公子慶忌出居于艾。杜預註。豫章有艾縣。自漢至宋齊梁陳。皆有艾。隋開皇九年。省入建昌。

**西平縣故城** 豫章志。西平縣故城。圖經云。在分寧縣西一百九十七里。後漢書。鄧通西平人。即此地也。故分寧縣有通宅基存焉。又云。在分寧縣三百里。唐武德五年置。貞光二年廢。開城六年再置。開寶二年復廢。 **西安故城** 續豫章志。祥符圖志。西安故城。在分寧縣西二十里。漢建安中置縣。隋開皇九年廢。 **武寧縣城** 續豫章志。祥符圖經云。武寧縣城。周回一里一百二十步。基廣二尋。高二仞。唐天寶四年。縣令范建林。 **靖安縣城** 豫章志。靖安縣城。周回二里。靖安志。職方彙載。縣城。周回三里。 **建昌府城** 建昌府圖經志。城舊制。原闊九里三十步。前元多圯。壞不治。士辰兵興。守者屢修之。辛丑歸附。

天朝。時河南行中書省平章王溥。守建昌。因兵燹之後。以西北地勢早。遂收入向裏。就高處。改築。周圍重新。加高。結砌。堅壯。完固。粉牆。箭樓。鋪舍。吊橋。俱各完備。東南帶河。西北緣以濠池。今城止有八里餘。洪武元年。指揮耿顯忠。守建昌。以東西南北四門。城樓。差小。將欲改制。而斥大之。於是中間朝廷。欽奉。

聖旨。於東西南北四門。重新。改制。城樓。各一所。樓增。築甃。城樓。三座。宏壯。高大。又過於前矣。城東之門。舊有三門。一日天酒門。一日野江門。一日合江門。

永樂大典卷八千九十一

五

天酒門。正大東門也。今改曰武勝門。以通往來。餘皆塞。城西之門。舊有二門。一曰紅泉門。一曰青輝門。紅泉門正大西門也。今改曰儀鳳門。以通往來。餘皆塞。城南之門。舊有四門。一曰迎僊門。一曰青露門。一曰太平門。一曰安濟門。迎僊門正大南門也。今改曰通會。以通往來。餘皆塞。城北之門。舊有一門。曰朝天門。今改曰朝京門。行江前志在易。王公設險。以守其國。而諸侯城隅之制。亦著於禮經。然失其特制。則春秋譏之。以此見聖人慎土工。重民力也。建昌軍自西漢穎陰侯灌嬰立。南城隸未有城壁。至唐僖宗。軋符中。汝南公鎮撫此地。有功。遷南康太守。臨行。召諸將指畫規摹。均其版築。肇建羅城。周四一十三里。闊一丈六尺。高二丈。露屋一十一百三十七間。敵樓三十二所。東西鑿八門。南北二門。門則通衢焉。本朝開寶二年。偽唐昇南城隸。為建武軍。命周范副使李崇贍。充管屯兵馬監押。攝本軍制置公事。與勅。解舍。遂造軍營。崇贍於羅城內。增築制院城。一百六十八丈。制城門樓四所。總十有二間。各高三丈三尺。東曰承遠門。取其通建。泉南之路也。西曰永豐。南曰祈仙。北曰朝天。又造鼓樓高三丈五尺。隸廨計以間者七十。郡治倍焉。門之東西立資用。鎗戟二庫。城之南北列指揮兵卒四營。緣以周墻三百五十丈。省倉軍糧倉五百楹。臨江迎賓館二。酒坊。河市。廂廡。候院各一。又建浮橋于竹水之上。越八年。王師平江南。改建武為建昌。始命牧守。城郭井邑。悉仍舊貫。景德元年。詔下少府。以金鉉一所。戰十枝。來賜。農桑戶口。日以滋殖。慶曆七年。郡守虞部張頌。更浮橋。遷集賓亭。作迴車院。修郡治之公廳。築土方五丈。架梁三十有五尺。次年。郡守太常博士吳某。又改作儀門。以及內寢。郡廨棟宇。於是大備。元豐間。郡武有廖思之變。太守鄭公瑛。以舊城隳圯。無以備不虞。奏乞修築。朝嘉其請。給勅。詰二道。鬻于郡。乃收納粟之資。鳩工度材。萬杵雷動。不日告成。甃以磚石。甃東岸水圯之地。闢西隅。奕壇之所。周迴九里三十步。雄傑樓櫓。為之一新。待制適中。廣狹得宜。堅固峭壁。為江西邦壘之冠。民至于今。賴之。其餘城池。凡古跡之可考者。併列于後。謹守志古者。王畿千里。公侯之國。七百里。體國經野。以為民極。秦漢之制。郡國以城池為上。而戶口次之。什陌又次之。唐史臣志地理。敘漢制。述戶口。及四境所至。比書之法也。聖朝以路統郡。以郡統縣。以縣統鄉。以鄉統里。鎮寨皆隸焉。郡之治曰城。縣之治曰郭。郭者木城之謂也。自天子以至郡縣守令。其居皆曰衙。所以聽訟治事於其所者也。宮室於是乎列焉。建昌自漢穎陰侯立。南城隸至南唐。墜曰建武軍。開寶八年。改曰建昌。隸淳化。至紹興。以南豐來屬。又析為

新城廣昌。領縣凡四。而治南城。凡郡之境東西二百三十有九里。南北四百三十里。至東京三千五百里。至行在所一千二百三十里。其東則至鄧武軍界一百三十五里。以杉嶺分水為界。自界首至鄧武軍二百三十九里。其西則至撫州界五十里。以磁龜山分水為界。自界首至撫州一百七十里。其南則至贛州界三百七十里。以脩嶺為界。自界首至贛州五百十里。其北則至撫州界四十五里。以界山為界。自界首至撫州七十五里。其東南則至邵武軍界二百里。以百丈嶺為界。自界首至邵武軍三百五十里。其西南則至贛州界三百七十里。以梅嶺山為界。自界首至贛州四百四十里。其東北則至饒州界一百三十里。以出雲山分水為界。自界首至饒州五百九十里。其西北則至撫州界五十里。以茨龜嶺分水為界。自界首至撫州一百九十里。初漢立南城縣城陽之制。未聞也。至唐僖宗乾符中。汝南公鎮南城。有功還南康太守。將行召諸將示規模。均版築。始作羅城。周十有三里。廣一丈有六尺。高二雉。為露屋千一百三十七楹。敵樓三十二所。東西為八門。南北為二門。開寶二年。南唐命園苑副使李崇贍為建武軍制置公事。崇贍乃於羅城之內。增築制院城百六十丈。作門樓四所。所三楹。高二丈三尺。東曰來遠。以其通建州之通也。西曰永豐。南

永樂大典卷九千九十一

七

曰祈仙。以其通麻姑山之道也。北曰朝天。以其通京師之道也。景德元年。詔下少府以金鉅一。錢十來賜。郡治稍稍備焉。其後城益隳圯。非王公設險守其國之義也。元豐中。李盜廖恩據邵武為亂。太守鄭侯瑋。謂舊城不可以備不虞。乃建言于朝廷。請新城築。詔從之。命有司給其費。更闢西隅之地。擇其夷壤者作新城。周九里三十步。昔周官匠人營國方九里。以宮殿之制為諸侯之城制。皆九里也。然則斯之為城。其諸成周之制乎。雖堞樓櫓皆撤而新之。為禦頭二千三百三十。敵樓四十有五。馬面二十有三。東隅之制。甃以石。西南北則甃以磚。率一面壯而三面弱。為門十。東曰太平。曰安濟。曰合江。謂由豐廣昌新城之水。與竹江合於此也。曰天瀆。舊曰行春。元祐初。西甘露降于門之界山。自改曰天瀆。福建之通道也。凡四。西曰洪泉。舊曰永豐。又曰山光。治平三年。郡守黃侯師道改紅泉。取謝靈運詩。石磴瀉紅泉之句。今改紅曰洪。曰青輝。凡二。南曰祈仙。楚麻姑山者。由是門而出。故曰祈仙。今侍郎曾公穎茂書焉。曰膏露。景祐丙子。甘露降于門之松。自以名門。凡二。北曰朝天。人行在所之通道也。後改曰朝天。今復舊名。曰朝天。侍郎曾公穎茂書焉。曰竹江。舊曰浮術。元豐中。太守陳侯師題詩壽昌寺碧溪軒。詩云。蒼珠華薄隱山村。清淺浮術帶郭門。竹倚欄干

# 永樂大典

## 卷八〇九一

水邊寺。與禾題作碧溪軒。後改今名。凡二初南城舊城。去今城二里。跨行水而為之。至是載築。乃做東而展西。故東界貯水為池。以成其險固。而闢洪泉門之外。居民數百戶入于城。故西池地卑。皆昔門外之民田也。建炎元年。金虜入我南昌。我師失利。長驅而來。江西諸郡。惟無能禦之者。獨建昌城。虜不能破。苗傅劉正彥叛。頓兵城下。十餘日。攻弗克。乃遁去。紹興元年。虔寇李崇仁率其族萬餘人來圍城。居數日。知不可破。又引去。其城壁堅。頗有如此者。故建昌之城。為江西諸郡最。二十七年。太守胡侯舜舉始再葺之。由紹興迄寶祐六年。凡一百載。門有樓者。將什焉。有壁者。多隳焉。其年冬十一月。墜。乃更葺治城門。作新南門。明年。改元開慶。築城一百五十餘丈。周九里。皆補完之。泮城皆置樓櫓。敵樓。樂頭。為之一新。通判軍事馮侯夢得為之記。曰。貯治豫章之南曰南城。漢以後。築削莫詳。唐乾符。汝南公作羅城。周回一十三里。以其地控閩粵孔道。為江右第一藩屏。然郡猶未建。麻姑。鳳崗。蛟螭之氣。至我朝浸盛。開寶。升為建武。太平。與國。易為建昌。元豐間。鄭公攻為九里三十步城。正合有周以宮隔之制。為諸侯之城制也。紹興。胡公舜舉再葺。迄寶祐戊午。一百有六年。日引月長。積頽宿朽。消息因葺之會。天必有人物以擬之。是年夏。盜發南豐。至秋。猶梗。聖天子以為憂。環視在朝。思得有惠氣威風者。鎮撫焉。今太守曾公以刑部郎官當其選。始至。不鄙夷其民。布宣天子德意。欲與並生。一以寬大從事。董竹龍蛇。必不得已。哀旅入阻。姑熾其首惡。以徇。餘則盡放為農民。按堵如故。而境內大治。古者諸侯守在四隣。其次守在四境。今四境寧一。左餐右粥。童兒踊躍。歡呀無內憂。外懼。固異乎囊瓦之城郢也。我是以有城門之役。月令。以冬月。垣城郭。修城闕。凡從時。皆開。以治其弊。以待開闢之急。土功法也。我是以有季秋之役。涉冬。歷夏。綢繆次第。越四月。雨潦生。如擊。虜。不沒。僅三四版。蓄斷。邊際。凡百餘丈。伶人維藩。母伴城壕。兩畢而除。通清風。至而脩郭郭。此先王之教也。我是以有今秋之役。是役也。不亟不徐。各以敘舉。雉堞樓櫓。環植周匝。樓店瓦甍。黝堊丹漆。蓋視昔。架壯。祈仙門。樓舊。偏下卑。僕弗稱。嚮明之義。乃盡撤而新。高培三尺。袤過之。漫迴高。傑出九列。與阜門。相先面。離。始於體。為。嘗試登眺。江山之鬱盤。雲煙之飛薄。沙石細。觸。覽不盈掌。摩壘而上。偉觀。亦被文。績。及是百堵。又興。用石二千七十丈。軌。斲二十萬。二十有奇。隄陝。登。登。而缺者始完。匠則傭工。夫則鳩兵。願。不用錢。以省。緡計者二萬。米以石計者四百。傳曰。知所先後。則近道矣。君子入人之國。每從官室臺觀。橋梁之間。以觀政。况設險以守。

國擊折以禁暴。繁政之大。獨慨夫當張弓增憲之時。上下交迫。急符日旁。午于道。吏捧持趨走。促速晉陽。憂絲惟恐日不暇給。其間徧良。惆悵亦未。免慘恹畏咎。其於保障徒自寤歎。公以望郎得郡如斗。行非有宿是舉。乃能審先務。裕盡備豫。鍊積寸累。視如私家。以善掌固之事。風績幹局。自有道焉。是為知所為政矣。夫其知所為政。而又當其可之謂時。至其所以。扞吾民仁義之懿。又在土木繕修之外。賢於城也。遠矣。城門績于成。公。曾公顯茂。特為大書。又書折仙。綿絡為南北之雄。父老扶杖來賀。遂大合。樂以落之。公為郡未春年間。景象頓異。并畫五十六道各新。其扇以抗風。聲。持其木馬。爾政教之大者。方有以幸。行人士。公餘提史筆。修圖志。遺余。有荆蜀之役。恨不得適觀厥成。僅能取修城之一。以紀歲月。公諱璽。會稽人。曾試詞科。茶山先生文清公。幾五世孫。其系出河南。實邨侯之後云。開。慶元年秋八月。既望。承議郎通判建昌軍兼管內勸農營田事。新特差充。四川宣撫大使。司幹辦公事。馮夢得謹記。唐南康太守汝南公。新初撫。州南城。縣羅城。記時任郎太守。奉禮郎。司尚能。撫州屬縣南城。則古之。繁邑也。漢高祖六年。會將軍灌嬰襲城。項籍之後。劉豫章南境。分立為縣。

永樂大典卷八千九十一

以飛猿南豐二源合沓。又以西崗土膏勢強。而肇其址也。以其城在洪州。府城之南。故曰南城。其後歷於晉宋。雖興亡而則多。唯斯邑而不滅。至吳。太平二年。始立臨川郡。以隸南城。而屬之焉。管一十三鄉。周巡六百里。林。奇谷秀。則鶴嶺牛山無以加。水遶川環。則洞庭陂澤不足比。人繁土沃。桑。耕有秋。學富文清。取舍無誤。既狀周道。兼貫魯風。萬戶魚鱗。實謂名邑。暨。乎咸通初。撰狂。不賓。嘯聚而來。犯我郊隄。國師既舉。斯邑舟車通濟。今。以轉輸。雖則民勞。功業未墜。及至乾符之歲。水旱不常。或波蕩林丘。或塵。揚沼沚。蝗螟敗害。歲刀凋虛。教勸不從。繼數斯舉。天反其度。地亦為妖。火。既燎原。鯨潛鼓。氣生靈沒。散宸廡是憂。非朝典之不施。乃俗暴而難整。遂。使敵震郊野。禍作蕭牆。縱陳涉網。以籠羅。或有弄戈而怙亂。是以皇都失。禦。玉輦蒙塵。既乖華封之仁。爭起有苗之叛。近茲崑澤。乘時寇興。皆拋順。靜之規。各振縱橫之志。猶賴寶祚延遠。百工得人。於是自我常侍。武鏡。錄。吳。文英。廉簡心。翰社庫。性蘊班。壽。乃召戎兵。共征不諛。因得名重於臨。濶。將帥威過於屬部。諸侯奪劍一呼。強梗淪伏。緝綏撫甚。疆境帖然。郡縣如。初。鄉關法舊。次命文德之臣。繼總兵師。克復成京。巨盜既平。採訪忠諫。謂。以汝南公道存修。已信在佐君。端雅聲彰。溫亮言顯。成紀綱之範。為經濟。

之歲。慶匹豐泰之期。清詣中和之樂。鮮其政化。奉以昭蘇。柱德業以分憂。錫賢能而封秩。乃加寵渥。為南康太守焉。時以慶暄未行。連部猶優。乃召諸將而謂曰。凡行伐卷舒在乎人意。我雖輔時在乎人機。今以烽燧尚興。稜氛未息。因觀聖人作易而有豫防。雖同鶴以擇林。亦慮螫而有毒。宜得營壘。備其泉鳴。乃遣行教布令。不日萬人。公乃指畫規模。勻其版築。悅而不勞。寃而得衆。齊心似一。樂運如流。不越二旬。其切告畢。周回一十三里。闊一丈六尺。高二雉。露屋一千一百三十間。敵樓三十三所。東西鑿八門。南北二門。門則通衢焉。於是崇墉截漢。昆陽不足以為堅。峭岬交雲。金城不足以為壯。控五嶺封疆之要。捍七州寇敵之虞。觀觀者不得動其心。賦賦者無以運其智。可以拒鶴鶴之陳。可以拔烏合之徒。內則軌轡齊驅。堪敦權略。外則人民側目。愕以堅牢。護吾君祖稅之封。授黎庶安居之業。得此名色。克全大業。為今辰定難之基。是岳牧勲庸之績。可謂能高異代。善亞先賢。象偕魯北。以利民憂人。晉陽而剪敵。以尚能茂修片善。命逢宏圖。才難匯於英華。事得銘於碑麗。刊於燕石。以紀殊功。時以大順三年。龍集辛亥。三月四日記。包宏齋繫帶。羨鳳山新城記。建昌為郡。南抱盱江。北負鳳山。江如銀漢。從天而下。引玉而流。遠來而環于前。山如鳳凰。昂首而起。鼓翅而趨。聳立而待于後。天作地設。斯亦奇矣。夫郡守雷侯之始至也。即振衣山之絕頂。四顧而嘆曰。時江固如自然之池。昭昭矣。猶未若鳳山尤如自然之城焉。蓋其勢真若翔于千仞。而極目千里。不見窮極。逆觀四境。羅列衆山。奇秀萬狀。皆似重城之周遭。而去郡似猶三里而稍遠。若治已最高。而此山又高出十丈。去郡僅一里而近。俯觀城內之市井人物。歷歷可數。雖一髮不能逃也。一郡之險要。不在茲乎。今日虜患已深。地勢當擇。昔人於戰地則爭山為據。以得山為勝。於守地則有山為鎮。又因山為城。患無山爾。未有不依以設險者。或視此山。如非我有。而置之邪郭之外。可乎。先為登臨遊觀之佳處。今當為防禦守備之勝地。亦並行而不相悖也。茲非其時乎。侯文事既敏。武備尤習。惟超然識慮之遠。故慨然興作之速。節以制而不見傷害。辨以靜而不動聲色。董其役者。委前江西路分李君忠授。以成規。欲盡包一山而城之。蓋厚一丈八尺。高二丈五尺。長五百三十丈。以與正城相聯接。上下相網維。內建寨。外闢二門。南曰景福。北曰仰高。皆雄偉。真十里之保障也。又念城非兵執守。當募精卒而別置之。戍兵非食孰養。當撥官田而別行廩給。庶幾區畫咸得其所。不至疎漏有遺慮者。自厥初規模方定。上役將興。不敢自專也。於是具聞于朝。有旨悉

永樂大典卷八千九十一

十

從所請。賜名曰鳳山寨。至此然後長守無疆之計。始無一不周備。而窺不可犯。屹不可拔。可以成安疆之勢矣。若夫前乎九里之城。素稱堅確。姑仍舊貫可也。然新城之峻極。自據地險。舊城在平地。東雖有江三百。未有池。則與無城同。不可也。侯又有感焉。過度土功。過定界限。過計深廣之數。深凡二丈五尺。廣九十丈。環繞總計九百餘丈。民樂不擾。池成無怨。又至是始足以全金湯之固。而無缺。而新池淵淵與清城魏魏實昉乎此。前此之所未有也。可不謂盛矣哉。嗟夫。有郡此有城。有城此有池。有不可以缺其一者。非罵已自衛。為國衛民也。此列郡之所不敢輕。而尤邊郡之所甚重。所患人情當慮始之難。而未至樂成之日。有不能不議其迂而不切爾。苟非明足以知之審。斷足以行之決。則亦有易挫於異議者。或者雖知之而欲行之。回視郡計之不給。往往又有退縮而中止者。吁亦難矣。侯則保惠斯民。一念真切。明斷有素。非浮言所可惑。且雖費無所從出。所可擬者惟有盡絕地費。專成此務。此城池之所以僅免有濟歟。建昌在江西上游。固非邊郡比。然試觀江湘近事。古未有如此虜者。此郡殆如次邊矣。浚築之後尚可以為非所急乎。此侯所以不憚煩難而有志竟成事也。况侯方以此景定庚申二月視郡事。僅至五月而已。有召除矣。其所以表表已似此。

永樂大典卷八千九十一

為難能也。亦豈曰小補之哉。侯雖不以為功。獨謂不可無以詔後來。親相與扶植。使可與持久。郡之公計也。命某記之。不容以不文辭。乃為之識其大略。以復侯命。侯字宜叔。名宜中。先以編修出守。今以吏部考功入覲。云郡人包某記。何蠖庵集。行城兩中和。仲高時大兵留新城。以兩阻水。玉候館風煙暮。荒城鼓角春。幽花憐病客。芳草斷行人。戰伐頻經歲。飄零數問津。旌旗待雨歇。邊報幾回新。又二首。仲春十日雨。寒氣相凌加。行城渺蕭瑟。百谷浩無涯。但見柔木稠。不見井屋華。兵凶亦何有。流離始能家。驅馬出郊原。茫茫盡蓬麻。戰伐方未已。征徭但咨嗟。昨喜道路開。東來極幽遐。謹呼見閩果。奔走迎使槎。我生喜飄蕩。欲去誰能遮。茲山倘可托。思種青門瓜。王顏豈不佳。危酒豈不滿。孤愁起胸臆。歌舞謾零亂。淫雨苦冥冥。白日何短短。志士惜光陰。羸人歎遠遶。墻東挑樹枝。昨日花纂纂。非無一時好。零落復誰管。干戈未息聞。南北尚奔竄。計謀豈無人。夕寐空長轉。何時宇宙清。坐見戎馬後。

**南城** 行江志。郡城之外有南城。舊羅城。東書更何求。耕鑿坐南墉。東過行江至中坊寺。去今郡城天酒門外二里。西至七仙閣。今地名上城下城。即其處也。去郡治百餘步。城基隱隱猶有存者。南與今同。北在今報恩光孝寺其前有門頭嶺。乃舊日

永樂大典

卷八〇九二

城之北門。元豐修築之日。截東岸而出之。西開洪泉門外入天慶觀茅司。徒廟及民居數百戶。今城內西池。乃古鴈城門外之田。西南隅池塘尤多。乃是特取土築城所致也。**廢危全諷土城**。行江志廢危全諷土城。在南

全諷起兵之初。下築是城。回環數里。按五代史鍾傳傳云。唐以洪州為鎮。南軍拜傳為節度使。是時全諷據撫州。聽命於傳。以女妻傳子。臣時。後臣特為楊渥將秦裴等執歸廣陵。梁開平三年。全諷起兵江西。謀復鍾氏故地。全諷為楊隆演將周本所敗。江西入吳。此城遂廢。遺基猶存。**都**

**軍城**

行江志都軍城。在南城縣南六十里。亦危全諷起兵城築之地。城廢已久。今立候星館在其上。**石城**。行江

城在南豐縣南十里。其地平廣。山水環聚。世傳黎汾聚兵於此。四隅各設門。關置保禦。今有東門。察州等名迹猶存。汾敗于黃華崗。乃石城之西野。行江前志石城詩。土峽山高更天溪。登臨繚繞與雲齊。時時仰視天如練。往往窮川徑似梯。石鑿龕巖茅作舍。泉噴境埭稻分畦。居人不信王叢地。千里平盤載馬跡。**廢永城縣城**。與地紀勝廢永城縣城。在今新城縣北三里。地名城頭。行江前志縣東百

步間地名新城。或謂今縣乃永城故基。或疑與南豐相近。史志不載。無文可考。姑以地名為證。**南豐縣城**。行江

豐縣舊城。在天授柳文教里西英保。今屬廣昌縣。東十五里。土名香。有土城。隱然高六七尺。周一里許。傍有地名曰羅城門。東有地名曰寨。寨皆在土城下。唐開元中。邑宰游茂洪得諸于朝。徒縣治於今之縣基。以舊縣解舍為城隍廟。奉茂洪之祀。**廢東興縣城**

行江志廢東興縣城。在今新城縣北三十里。東興鄉石門里地名城口。有井。漢與撫州連。樊溪。甘渚相通。

永樂大典卷之八千九十一